



PENGISYTIHARAN PELANTIKAN CANSOLOR & MAJLIS KONVOKESYEN PERTAMA KUTKM

Pada tahun 2005, KUTKM sekali lagi menyaksikan detik bersejarah apabila berjaya melaksanakan majlis konvokesyen kali pertama dengan melahirkan graduan sulung seramai 472 orang mahasiswa peringkat diploma, sarjana muda dan sarjana.

Majlis itu juga turut merakam sejarah dengan termeterainya pelantikan Canselor kedua KUTKM iaitu Tuan Yang Terutama Tun Datuk Seri Utama Mohd Khalil Yaakob. Kewibawaan dan pengalaman Tun Canselor yang luas meliputi pelbagai bidang telah meniupkan semangat baharu kepada KUTKM dan begitu signifikan di kala berlangsungnya konvokesyen pertama institusi ini. Penganugerahan watikah lantikan Canselor KUTKM ini telah disempurnakan oleh Pengerusi Lembaga Pengarah Universiti, Tan Sri Dato' Seri Dr. Mohd Saleh Sulong.



Pada majlis konvokesyen ini, KUTKM telah menganugerahkan dua Ijazah Kehormat Doktor Kejuruteraan kepada Datuk Dr. Ir. Mohd Annas Mohd Nor sebagai menghargai sumbangan dan jasa beliau dalam bidang tenaga, kejuruteraan elektrik serta pembangunan universiti dan Prof. Dr. -Ing Eckart Uhlmann atas sumbangannya dalam bidang kejuruteraan pembuatan serta keprihatinan beliau kepada pembangunan KUTKM.



Penganugerahan Ijazah Sarjana, Ijazah Sarjana Muda dan Diploma adalah seperti berikut:

Ijazah Sarjana

- Ijazah Sarjana Sains (Teknologi Maklumat dan Komunikasi)

Ijazah Sarjana Muda

- Ijazah Sarjana Muda Kejuruteraan Elektronik (Elektrik Industri): 67 graduan
- Ijazah Sarjana Muda Kejuruteraan Elektrik (Kuasa Industri): 39 graduan
- Ijazah Sarjana Muda Sains Komputer (Rangkaian Komputer): 21 graduan
- Ijazah Sarjana Muda Sains Komputer (Media Interaktif): 17 graduan
- Ijazah Sarjana Muda Sains Komputer (Pembangunan Perisian): 96 graduan

Diploma

- Diploma Kejuruteraan Elektronik: 48 graduan
- Diploma Kejuruteraan Elektrik: 49 graduan
- Diploma Kejuruteraan Pembuatan: 47 graduan
- Diploma Kejuruteraan Mekanikal: 39 graduan
- Diploma Teknologi Maklumat dan Komunikasi: 48 graduan

Sumber Rujukan:

- [1] Laporan Tahunan 2005 Kolej Universiti Teknikal Kebangsaan Malaysia (2005)
- [2] Pengisytiharan Pelantikan Canselor & Majlis Konvokesyen Pertama (2005)
- [3] Temubual Tenaga Penggerak Utama UTeM

(Bil. 5/2020)